

FRIDERICI ULRICI
CALIXTI

S. Theolog. Doctoris & Prof. primarii
Academiae Juliae Senioris

Nec non
Confiliarii ecclesiastici Guelphici

&
Abbatis Regiae Lutterae

MEMORIA

Oratione parentali repraesentata

&
In honorem defuncti edita

^a
JOHANNE FABRICIO.

HELMESTADII,

Apud Georg. Wolfg. Hammium, Acad. Typogr.
A. C. MDCCI.

PRO-RECTOR
ACADEMIAE JULIAE
FRIDERICUSSCHRADER D.
S. P. D.
CIVIBVS ACADEMICIS.

A Cerbum illum dolorem, quem ex desideratis simorum
trium Collegarum immatura morte præterito an-
no sensimus, sub ipsa hujus anni initia vehementer
aggravavit, quod a summo DEO in caelestem patriam revoca-
tus quoque fuerit Academiae Juliae Senior immortaliter meri-
tus, vir venerabilis & excellentissimus, Dominus FRIDE-
RICVS VLRICVS CALIXTVS, SS. Theol. Doctor,
ejusdemque per dimidium seculi Prof. Publ. Ordinarius longe
celeberrimus, Consiliarius Ecclesiasticus Guelficus, Abbas
Regiae Lutterae, cujus funus hesternae die, comitantibus id ip-
sum SERENISSIMORVM ET POTENTISSIMORVM
DVCM NOSTRORVM, ACADEMIAE JULIAE
MAGNIFICENTISS. DIRECTOR. HODIE TENEN-
TIVM, PRINCIP. ET DOMINOR. NOSTRORVM
CLEMENTISSIMORVM Illustribus Legatis, ductum est,
& relictæ exuviae illi monumento illatae sunt, quod viris sibi
A 2 elegit,

elegit, in quo quiesceret mortuus. Quandoquidem vero pietas monet, ut publica quoque voce, quid in venerabili Calixto, ut annis, ita bonorum meritorumque pleno, summisq; Principibus adamato, amiserit Academia Julia, eadem solenni oratione declaret, officium hoc in se suscepit vir maxime reverendus JOH. FABRICIUS, SS. Theol. Doctor, & Professor Publ. Ord. celeberrimus, nunc sua Facultatis Senior dignissimus, qui crastina luce hora decima in Juleo lessum faciet, & summe reverendi Domini Abbatis memoriam & vitæ speculum animis auditorum infuset. Dabit hoc piis viri manibus, & eleganti eloquio illius obitum lugenti auscultabit omnes. Salvete, & dum vivitis & valetis, mori discite. P. P. in Acad. Julia d. XIV, Febr.
clō lō ccl.

(5)



MAGNIFICE DOMINE
PRO-RECTOR,

Speciabiles Decani, & Professores celeberrimi, Hospites honorandi, tuque natalibus, ingenio, eruditione & virtutibus ornatisima Studioforum corona.



Non temere hunc locum ego hodie conscendo, & dicendi partes mihi sumo: Si enim fas & aequum est, viro de studiis theologicis bene merito, nec ordinis tantum sui, sed & totius academiae seniori, & consiliarii ecclesiastici, atque abbatis dignitate conspicuo, parentare, ejusque memoriam celebrare, cur non id fieret magni nominis viris connumerando, omnibusque istis meritis & honoribus inclyto, & inter beatos nunc ovanti *Frid. Ulr. Calixto*? Eccur prae aliis egomet supremum hoc officium ei non praestarem? Fuit enim is mihi praceptor septem & triginta abhinc annis, cui Epitomen theologiae paternam explananti auscultavi, neque operae & temporis, doctrinae ejus impensi, unquam me poenituit. Atque is haecenus ultimus fuit superstes ex omnibus, quos hoc in loco tunc temporis non tantum habebam doctores, sed & conspi-

Causae ad suscipiendam parentationem hanc moventes.

cere licebat professores ; ita ut rudera totius aedificii professorii, quod praedicto illo tempore stabat firmiter, nec minus fructuosum erat, quam pulcrum & speciosum, in eo solo spectanda essent, sicut, eodem fatis functo, collapsa nunc sunt penitus, ac prior illa academiae hujus facies evanuit periiitque. Porro etiam, DEO & serenissimis academiae hujus Nutritoribus clementissime sic dirigentibus, factum est, ut ei fierem collega, & quidem lateri ejus, praeter meritum meum, adjungerer. Huc accedit, quod parens meus, G. Calixti, & Contr. Horneii, summorum theologorum, discipulus, Calixtino nomini & doctrinae, (quae etiam in *Praelectionibus* ejus *theologicis*, a me editis, tanquam in epitome, expressa est) apprimè fuerit deditus: non quod in verba ejus jurarer, & ex duce dominum redderet, ceu servum discantium pecus facere solet; sed quia magnam accuratioris ac solidioris notitiae partem ei se debere sciebat. Vnde &, in memoriam & honorem optimi praeceptoris, qui *Georgii* praenomen gerebat, quotannis, quamdiu ille in vivis erat, in die Georgii, conviviolum instituit, & cum amicis hilarem se fecit; memorabili sane exemplo, beneficia ab informatoribus accepta, non esse oblivione aut contemptu sepelienda, sed memoria recolenda, & grati animi signa in publicum producenda, aliisque quovis honesto modo commonstranda. Quamvis igitur, inter honorandos collegas meos, complures sint, qui in dicendi arte me superent, adeoque, majori cum ornatu, manibus beati nostri senioris, justa perficere sustinerent, nemo tamen illorum tam validis ad munus hoc obeundum argumentis moveri & quasi impelli se sentiet. Ut autem provincia, quam, ex justissimis causis, necessitas, seu potius pietas, mihi imponit, rite defungar, constitui, orationis meae partes

partes & terminos facere, *Ortum, Educationem, Studia, Itinera, Officia, Scripta, & Obitum beati nostri Calixti*. In quibus recensendis ac laudandis cavebo diligenter, ne veritatem, summi & sanctissimi DEI suavissimam sobolem, vel verbulo laedam aut offendam; ut vero, ea, quæ in illo merentur laudem, a nobis probe observentur, atque ad usum nostrum transferantur, allaborabo, quantum possum, omnemq; dabo operam, nullus dubitans, quoniam innocenter, & quantum in me est, breviter dicenti, pro vestro in me, immo & in defunctum, affectu, vacuas aures vris præbitori.

Honestis, & bonae famae, magnæq; apud alios existimationis parentibus editum esse, prima, nec contemnenda humanae felicitatis pars est. Atque haec etiam obtrigit Calixto nostro, nato in illustri Julia (*in qua, ut Paulus Oderbornius in epistola ad serenissimum Ducem HENR. JVLIVM* (a) scribit, *nobilissimarum disciplinarum pulcherrimi flores rara felicitate a multis decerpuntur*) Anno 1622. (b) ex Catharina Gertneria, amplissimi hujus urbis consulis filia, matrona laudatissima, & tenerioris sexus decore insigni, patre Georgio Calixto, S. theol. D. ejusque in hac alma Julia professore ordinario. Quem dum nomino, virum nomino optimum, & inter praecipua seculi superioris ornamenta numerandum: *quam enimpilus fuerit*, (verba haec sunt Vogleri, (c) *virigravis, & ab omni adulatione ac mendacio alienissimi*) *quam doctus insigniter, quam in officio fidelis & industrius, quam comis, quam benignus, nunquam non testati sunt ejus discipuli,*

- (a) Quae praemissa est Vitæ Johannis Basilidis, Magni Moscov. Ducis.
- (b) D. 8. Martii, dominica Quadrages. seu Invocavit.
- (c) In Memoria Calixti, quae etiam existat apud Wittium, pag. 1141. in Memoriis theologorum.

puli, quos habuit innumeros, ecclesia, reip. academiarum praeclaris muneribus postea perfundis. Nemo horum omnium fuit unquam, nisi forte pudorem perdiderat, qui non de commemoratis summi viri virtutibus inscriptum in animo testimonium ferre potuerit. Quas quidem ipsas multo certius Expressius demonstrant tot erudita in publicum emissa volumina, quibus vel divinæ literæ interpretatur, vel priscae ecclesiae historiam recenset, vel captae religionis demonstrat, vel contra adversarios disputat: in quibus omnibus summum ingenium, judicium singulare, diffusa lectio, accurata industria, & quae christianorum maximae virtutes sunt, modestia, charitas, ac concordiae omnium christianorum flagrans studium, ita undique comparent, ut neminem oculatum fugere illud possit. Hinc etiam factum, ut non minus celsissimis Principibus (d) placeret, quam suae conditionis viris, magnique aestimaretur aequae ab exteris, quam Germanis suis civibus. Sicut enim Joh. Gerhardus (e) eum appellat *theologum eximium*, Micraelius (f) *antiquitatis scrutatorem acutissimum*, Boeclerus (g) *doctissimum*, Wellerus (h) *theologorum praeclarissimum, virumque Θεολόγον*, Hülsemannus (i) *merito suo insignem, & venerandum in Christo patrem, de ecclesia optime meritum*, Dorscheus (k) *virum summum*, Fürstenerus (l) *virum egregium*,

(d) Vide Calixti Bieberleg. Welleri H. & F.V. Calixti dedicat. Demonstrat. liquidiff. praemissam.

(e) Conf. Cathol. l. 2. part. 3. p. 1538.

(f) Hist. Eccles. l. 3. sect. 2. quæst. 48. p. 472.

(g) Ad Lib. I. Grotii de J.B. & P. Cap. I.

(h) In literis ad D. Calixtum 21. Jul. An. 1643. & An. 1646.

(i) In literis ad eund. 5. Martii, An. 1647. aliisque.

(k) In Lit. m. Jul. Anno 1640.

(l) De Jure suprem. & legat. Princip. Germ. cap. 31.

gium, qui doctrina atque iudicio paucos pares habuerit, Schüzius, (m) Joh. Ludov. Fabricius, (n) & Calovius (o) incomparabilem: ita Schoockius (p) eundem praedicat celeberrimum theologorum, Salmasius (q) doctissimum Lutheranorum doctorem & theologum, Priorius (r) insignem Lutheranum, If. Cauſaubonus (ſ) virum doctum, & iudicii in literis non vulgaris, & Hugo Grotius (t) probat ejus iudicium, & cum pacis amore conjunctam antiquitatis reverentiam, ac denique Episcopius (u) eum sibi non semel ob raram eruditionem ab aliis commendatum esse ait & laudatum, optatque ejus scripta videre & legere. De tali ac tanto parente cur non sibi gratularetur filius? ecce nos eum hoc nomine non praedicarem beatum, faustoque & fortunato natum fideret? Agnoscite igitur beneficium hoc, qui similem nascendi sortem nacti estis, & Creatori vestro humillimas pro eo agite gratias, solícite caventes, ne tanto dono abutamini, & sub umbra praeclarissimorum parentum, tanquam vilissimi fungi, lateatis; caeteri autem vos, quorum genitores inferioris & plebeiae sunt conditionis, animum propterea non abjicite, & deterioris vos reputate sortis, sed eo diligentius sapientiae & virtutum studiis incumbite, iisque ortus vestri

B

igno-

(m) Vol. 2. Coll. Publ. disp. 4. th. 13.

(n) In Operib. p. 295.

(o) In Inscriptione tractatus a se transmissi. Adde & tractatum de Meth. doc. & disc. pag. 175. (o. 2. 1. 6.)

(p) In Fab. Hamel. p. 9.

(q) Sub nomine Simplicii Verini, de Transubstant. p. 515.

(r) Annot. in c. 8. Tertull. de Exhort. castit.

(ſ) Epist. 692. edit. Brunſvic. pag. 875.

(t) Epist. 164. ad Gallos.

(u) In Epist. praestant. viror. p. 738. edit. in 8.

ignobilitatem (sitamen ortus discrimen est inter homines, a natura constitutum) nobilitate & condecorate, memores, satis honestos & gloriosos esse parentes, qui pii sunt & virtutum a se requisitarum amantes, vitaeque innocenti apprime dediti. Nam, ut vere non minus, quam eleganter a Seneca (x) dictum est: *Non facit nobilem*, (neque etiam eruditum) *atrium plenum fumosis imaginibus. Nemo in nostram gloriam vixit, nec quod ante nos fuit, nostrum est. Animus facit nobilem*, (& studium cum probitate facit eruditum) cui ex quacunque conditione, supra fortunam licet surge.

Educatio.

Neque vero ullus est sive nobilis, sive alterius praeclarae nativitatis fructus, ullumvé decus & ornamentum, sine proba & recta educatione. *Ut ager*, inquit Plutarchus. (y) qui, ex judicio Lipsii, (z) diffusa quadam ac plana scribendi via ad virtutem ubique & prudentiam ducit, si non colatur, non solum nullas fert fruges, verum etiam multa sylvestria producit: ita adolescens rationis capax, nisi praeceptis honestae exerceatur, non solum non evadit bonus, sed ad multa vitia d'p'ndetur. Mala educatio, vitium est primae concoctionis, unde omnia mala, & peccata, quibus inquinantur liberi, plerumque exsurgunt, sequeturpissime produnt. At vero bona educatio, radix & fundamentum est omnis recti, quod hominem, & cum primis christianum, sectari oportet; immo etiam vera laudis & gloriae materia. Unde quum mulier quaedam Ionica de textu quodam suo, ut pretioso, gloriaretur, Lacaena (1) ostensis quatuor filiis, quos habebat, composuissimis moribus praeditos: *Hujusmodi*, inquit, *deceat esse honestae probae-*

(x) Lib. V. epist. 44.

(y) In Apophth.

(z) Apud Keckerm. de Nat. & propr. histor. in Auctar. c. 3.

(1) In Apophth. Lacaenarum. p. 245.

probatq; mulieris opera, deq; his tollere animos, & gloriari. Jam quod Calixtum nostrum attinet, quis dubitare possit aut velit, eum recte ac bene fuisse educatum? Patrem habebat, in quo sapientia ac probitas non hospitabantur, sed habitabant. Qualis ergo ipse erat, talem utique formare etiam filium suum & sciebat, & volebat. Sane nihil magis curae cordiq; fuit prudentissimo pariter & optimo viro, quam ut pueri disciplina dextre instrueretur, & juventus ejus debitis modis subigeretur, probe sciens, multum referre, quo modo ille a teneris assuesceret. Hunc scopum ut assequeretur, pietatis & virtutum cultum, sine quo frigent studia sapientiae, & omnes etiam aliae nostrae actiones, ante omnia commendari puero curavit, atque inde demum ad studia literarum eum deduci. Nam praepostera erudiendi adolescentiam est ratio, qua parentes nonnulli eo tantum spectant, ut liberi sui reddantur docti aut politi & exercitati, de probitate autem & morum innocentia, iisdem in principio & quasi in herba instillanda, non sunt solliciti. Stultissimi hominum! Annon acescat praestantissimum Falernum, vasi impuro infusum? qui intret spiritus sapientiae, qui pariter est spiritus sanctitatis, animam peccatis, pessimisque moribus deditam? an dubitare licet de veritate apophthegmatis, quod in libri Proverbiorum initio (2) exstat, a sapientissimo mortalium prolatum, omniumque hominum mentibus imprimendum: *Reverentia Jehovah est caput scientiae?* Sane tam secularis, quam sacrae scientiae initium, radix & fons, est timor DEI, ac Domini hujus universi. Hunc timorem si tollis, omnem tolles veram ac solidam scientiam: quae enim videtur remanere, non vera est, non caelestis, non salutaris; sed carnalis, brutalis,

ac daemoniaca, immo larva, spectrum & cadaver scientiae, ac verissima stultitia: *sapientiam* enim, ut porro ait sapientissimus ille sanctorum, & sanctissimus sapientum, *ac eruditionem*, a timore illo rectam, *stulti sperant*. Corrigenda prius est perversa voluntas, atque affectus compescendi, moresq; formandi in puero, quam mentem ejus, scientiae placitis variaque doctrina, imbuere labores. Si vis illuminare cubiculum, nitidumque & exornatum reddere, necesse est, ante ut illud purges a sordibus, easq; si fieri potest, omnes converras, & ejicias. Bonum autem factum, quod Calixtus noster puerulus disciplinam non recusarit, nec monitoribus asperum se praebuerit, sed, uti ipsum decebat, *eruditionem* (3) *patris sui audiverit, neque deseruerit doctrinam matris suae*: sicut enim excitato, solerte & capace erat ingenio, ita non gerebat animum improbum & malitiosum, sed tractabilem, seque refrenari patientem. Hac via incedentem non deserebat benedictio divina, sed prosperabat & juvabat, in discendis literarum tyrociniis. Cum patre & privatis praeceptoribus non nisi latine ei concessum erat loqui: in quo exercitio tam feliciter progressus est, ut prius fari sciret latine, quam legere & scribere. Sic videmus, non esse necesse, ut linguam peregrinam ex grammatices praeceptis discas, cum illa ex usu peti atque hauriri queat: cui postea, ut discipulus certior reddatur, neque fundamentis careat, regularum grammaticarum inspectio & tractatio rectissime subjungitur. Ad hunc modum informatos etiam fuisse Mericum Casaubonum, Blasium Pascallium, Joh. Bapt. Cotelierum, (4) aliosque doctissimorum virorum filios, literis proditum est. Patres Latino utebantur

(3) Prov. I. 8.

(4) Baillet en Enfans celebr. par leurs etudes p.303. 352.

tur sermone, matres Gallico aliove, & famulitium vernaculo, ita, ut pueri simul trium linguarum notitiam sibi acquirerent, atque una fidelia, quod in proverbio dicitur, non duo, sed tres parietes dealbarentur. Quae linguas docendi ratio si frequentior foret, non X. & plures saepe anni, uni Latinae discendae, quae tamen sic etiam a nonnullis male discitur, impendendi essent, sed magnum & temporis, & operae, & expensarum fieri posset lucrum, & compendium. Sed & reliqua, quae ad rectam puerorum institutionem, ex sapientum & prudentum virorum monitis atque exemplis, (5) necessaria sunt, in filiolo suo observare studuit pater accuratissimus. Scilicet non eum commisit scholastico cuidam gulofo, ebrioso, plagoso, atque ad institutionem tam apto, quam asinus ad lyram, sed cautissimus fuit in deligendo praeceptore, nec nisi moratissimum assumpsit, &, in quantum dabatur, eruditissimum, probe sciens, ut agricolae plantis adjungunt pedamenta, ita justos magistros affigere pueris debere, quo eorum mores & scientia recte pullulascant, accuratas praeceptiones & praescriptiones: &, quum mores, etiam optimos, corrumpere soleant colloquia & sodalitia prava, non nisi optimae indolis adolescentes advocari permisit, qui discenti adsiderent. eadem cum eo studia tractarent, & currenti calcar adderent, atque in recreationis hora, ut amant alterna Camœnae, cum eo confabularentur, licitoque ludo animos reficerent. Quanquam optima ista conversatio, in primis modestorum, nec ineruditorum, & aetate majorum adolescentum, puero nostro gratior erat suaviorque omni cujuscunque generis ludo. Maxime tamen, post

B 3

litera-

- (5) Plutarch. de instit. liberis, T. 2. p. I. Cui hodie jungi potest optimus libellus De l'Education des enfans, traduit de l'Anglois. A Amsterdam, 1695. in 8.

literaria, delectabatur exercitiis corporis. Neque illis ei interdicebat pater minime vel morosus, vel stultus, quippe qui ex sanæ rationis præceptis, & optimorum auctorum (6) lectione, satis didicerat, illa & ad tuendam sanitatem, commodiusque aliquando facienda itinera, conducere, & ad aptum corporis motum concinnandum, neque verba S. Apostoli, (7) *σωματικὴ γυμνασία πρὸς ὀλίγον ἰσὺν ὠφελίμη*, *corporalis exercitatio ad pauca utilis est*; siue de externa illa corporis disciplina, (8) quæ in jejuniis, vigiliis, aliisque id genus abstinentiis & laboribus consistit, intelligantur, siue de athletica exercitatione, (9) quæ cursu, lucta, saltu, jactu & pugilatu cum caestu, aliisque modis peragitur, gymnasticis exercitiis adversari, eaque plane & absque ulla conditione rejicere & condemnare. Videndum etiam in liberorum disciplina, ne vel audaces evadant, vel timidi; ne verberibus aut flagris compellantur, ubi monitis & exemplis locus datur; ne solis concedantur præceptoribus, parentes autem nec spectatores sint unquam illorum institutionis, nec auditores; ne immodestia, petulantia, garulitati, mendaciis, obscænis verbis, calumniis, iræ, vindictæ, aliisque hujus furfuris vitiis, a quibus bonæ mentes abstinent, sese dedant & mancipient. Quæ autem ulla est istarum partium, quam prudentissimus Calixtus in filio suo præterierit aut neglexerit? Omnino nulla. Sed nec fructu suo caruit

(6) Plutarch. de Instit. liber. p. 5. & Panciroll. de Reb. deperd. tit. XXVI. p. 90. & de Reb. invent. tit. XXI. p. 292.

(7) 1. Tim. IV. 8.

(8) Æg. Hunnius in Comment. ad prædictum locum, pag. 796. & 797.

(9) Guil. Essius in Comment.

caruit tam diligens & assidua cura: Hinc enim filius in literis aequae, ac moribus profectus, &, ut comiserat, facundus, civilis, urbanus, elegans, & facetus, facile se insinuavit in amorem tam aequalium, quam illustrium adolescentium, immo & favorem gratiamque obtinuit apud florentissimos Principes juventutis.

Sed ab hac parte orationis, in qua, ^{bb} materiae praestantiam & utilitatem, paulo prolixior fui. ad aliam, & quidem ad studia defuncti nostri convertendus est sermo. Ubi ^{Studia} quidem per studia intelligimus illa, quae academica dicuntur. Matriculae igitur civium academicorum infernus noster, non illotis manibus illud studiorum genus, cui deinceps omnem consecrare vitam sibi proposuerat, aggredi & tractare ausus est; sed ex prudenti cum aliorum, tum optimi parentis sui; (10) consilio, ei praemisit scholas philosophicas & philosophicas, inque iis probe se exercuit: quandoquidem istas qui negligunt; & statim futuri operis sui aedificium erigere conantur, similes sunt dementi & insano homini; in terra arenosa & sine fundamento extruenti; neque decus & nomen litteratorum unquam possunt consequi. Et quamvis in votis atque in proposito haberet; arti se consecrare medicae, non tamen propterea abstinuit a discenda dicendi facultate, copia & gravitate, quae eloquentia dicitur, edoctus sine dubio a praceptoribus suis ex Cicerone, (11) *nihil esse aliud eloquentiam, quam copiose loquentem sapientiam, unam de summis virtutibus; ingenii lumen, & dominam rerum, pacis comitem, ocii sociam;* & (12) *nihil esse tam inhumanum, quam eloquentiam a natura ad salutem*

(10) In prolegom. Epit. theol.

(11) Partit. Orat. c. 23. & alibi.

(12) 2. Offic. c. 14.

tem & conservationem datam, ad bonorum pestem perniciemq; convertere, adeoque dicendi peritiam omnino etiam ei competere, qui salutarem & homines servandi artem tractaturus esset. Didicit autem illam ab ejusmodi magistro, qui excellens in tradendis eloquentiae praeceptis, eorumque usu monstrando erat^{et} quo meliorem ne optare quidem poterat, *Christoph. Schrader*, quem honoris & observantiae causa, post fata etiam mihi pie colendum praeceptorem, in panegyri hac nomino. Si autem ita se res habet, quod eloquentia cuivis vitae generi, quod inter honoratiora locum habet, competat, & suo modo necessaria sit, qui sit, quod nobilissimum hoc studium, tanquam inutile, nec necessarium, a multo maxima studiosorum parte, qui ecclesiae aliquando servire, & verbum DEI praedicare volunt, vel nullo, vel levi brachio attingitur? Quomodo dicetis, quaeso, nulla dicendi peritia instructi? an forte putatis, vos eam hausturos esse ex collegiis homileticis? ergone nescitis, non esse idoneos illorum auditores, nisi eos, qui in eloquentiae gymnasio gnaviter sese exercuerunt, & rhetorices praecepta ad unguem tenent? Immo an nulli fieri solet, ut collegia ejusmodi tractentur & aperiantur etiam ab iis, qui ipsi Musam illam nostram vel nunquam, vel in transitu duntaxat salutârunt, & cum arcano, aut, si malunt, palladio *methodi* (13) suae, omnibusq; praeceptorum suorum sive gazis, sive centonibus, loquentes tantum sunt, uti aera tinnientia, non vero eloquentes? Fitne delectus

- (13) Qua omnibus concionibus eandem formam inducere gaudent, aptaturi etiam omnes pedes uni calceo. Nempe Methodus nuper excogitata, sanctis Patribus autem, aliisque cordatis Ecclesiae doctoribus ignota, & inaudita.

Etus auditorum, & illi solum ad homiletica exercitia, prout
 decet, admittuntur, qui S. theologiae partes jam satis
 bene didicerunt, vel quivis potius introeundi licentiam ha-
 bet, Tros Rutilusvé fuit, etiam alphabetarius sacrae no-
 strae disciplinae, & qui ejus dogmata nec tenet, nec do-
 cere novit, aut probare, & defendere? Annon passim,
 dum non frigent ejusmodi collegia, multae frigidae, je-
 junae, exsuccae ac macilentae audiuntur conciones, in
 quibus nulla *isq*, nulla *waq*, id est, nullae moratae
 orationes, nullum artificium movendi affectus? An sic
 olim declamarunt patres ecclesiae, Basilus, Chrysosto-
 mus, Gregorius Naz., Ambrosius, Augustinus, & alii,
 quorum sermones summa cum admiratione fuerunt audi-
 ti, hodieq; leguntur? Quid? an Lutherus, Phil. Me-
 lanchthon, Wellerus, Gerhardus, Hülsemannus, & plures
 nostratum, (de aliarum partium magnis doctoribus ut
 nihil dicam) sine cortice eloquentiae, in flumine praedi-
 candi sermonis divini, natârunt, aut natandum esse do-
 cuerunt? Aut forte entusiasmos vobis pollicemini, &
 expectare vultis, usque dum, sine mediis ordinariis, &
 sine studio ac labore, ad instar Apostolorum, enthei red-
 damini, & miraculose coelitusq; diserti? Sistite igitur, si-
 site gradum, amabo, & ex intuitu Calixti nostri,
 quamquam necdum theologiae initiati, a deviis in rectam
 semitam, & ad meliorem mentem redeuntes, proficua il-
 la perque necessaria dicendi exercitia in scholis rhetorum
 ante suscipite, quam sanctae doctrinae nomen deris, ejus-
 que alumnos vos esse profiteamini: alumni autem facti,
 non perfunctorie, sed debita cum diligentia, & justo
 ordine, omnes sacrae scientiae partes, si tempus & con-
 ditio

ditio vestra permittit, discendas atque ediscendas vobis sumite, operamque date, ut, ex sano magnorum virorum, Melanchtonis & Chemnitii, consilio, evadatis *scripturarii*, h. e. tales, qui sacras literas probe intelligant & interpretari sciant. Hoc si contigerit, nihil, mihi credite, aut potius illis, nihil, inquam, obstat, quo minus praecepta in eloquentiae gymnasio audita, transferatis ad usum, & non qualitercunque, sed apte, perspicue, morate, prudenter & efficaciter, ut decet oratores sacros, & legatos Christi, in cœtu fidelium dicere sciatis, & laudem, amorem ac venerationem auditorum, tanquam justum praemium, gloriose reportetis. Et hætenus Calixtum nostrum adhuc inter medicorum filios incedentem conspiciamus, cui studium isthoc depreunt, noluit refragari pater indulgentissimus, quippe cui consultum videbatur, optionem certi studiorum generis filiis relinquendam esse, ne excusationis materiam habeant, si in alio, ad quod adiguntur, minus feliciter progressi fuerint. Itaque sub celeberrimo Machaoniae artis magistro, *D. Jac. Tappio*, coluit noster salutare illud studium, idque bono cum Deo continuaturus, Lipsiam abiit anno superioris seculi quadragesimo, ubi mox togam cum sago commutare, & a Palladis orio in campum Martium transire, armaque capeffere, & in urbis obfidione, arcis partem quandam, cum reliquis studiosis, pro virili defendere iussus est. Quid facerent pii parentes ad tristem hunc nuncium? Illi manus & corda ad coelum elevare, & cum suspiriis lacrymisque Deum opt. max., a quo omnis salus provenit, quique in praesentissimis servare nos potest periculis, rogare & obsecrare, ut benigne respi-

respiceret filium, & omne ab eo vitae & sanitatis periculum arceret. Neque irritae aut vanae fuerunt hae piorum preces: etenim, tradita urbe, imperio parentis morem gerens, domum ad Penates suos reversus est saluus atque incolumis miles medicus. Quantam vero ex reddito sibi tam caro pignore, ex altera sui portione, ex animae dimidio suae, ceperint parentes tenerrimi voluptatem, quantumq; cumulati fuerint gaudio, non licet verbis exprimere, sed vobis id, Auditores, vobisque maxime, qui pii estis patres, filiosque habetis nec immorigeros, nec inamabiles, cogitandum & dijudicandum relinquo. Sed longe majus, exsuperantiusque fuit illud, quod sensit & animo & natura pater, ex mutato filii proposito. Hic enim, & instructissimam patris bibliothecam, & nobilissimas tantumque non incomparabiles docendi dotes, quibus ille ornatus erat, earumque causa passim a maximis doctissimisque viris celebrabatur, considerans: Quid feci, inquit, quod medicinae studio me dare constituerim? cur aliud secler vitae genus, quam optimus pater meus? an dilapidandi sunt nummi in conquirendis libris, dum in domo paterna maximus eorum est apparatus? ex omnibus paene provinciis certatim quasi advolant studiosi, qui eximii hujus theologi informationem expectunt, deque ea sibi gratulantur; & ego alios mihi quae-ram praeceptores? cunctandumne diutius est, an protinus e diverticulo in viam redeundum? Non illaudabilis erit apostasia a medicina ad theologiam, a scientia servandi corpora mortalium, & salutem iis ferendi, ad sanctam illam scientiam, quae finem sibi habet propositum salutem animarum. Bene: stat sententia. Tibi, o propitia Apollinis

nis filia, valedico. non quod te spernam & contemnā,
 sed quia majora studiorum sacrorum adminicula, quae
 domi habeo, me avocant. Ad te autem, o sancta Theo-
 sophia, me converto, & ut fugitivo condones, tardius-
 que venientem, in sinum tamen recipias tuum, & amo-
 ribus copiisque tuis satures, rogo atque desidero. Di-
 ctum, factum. Recepit Diva blando vultu novitium,
 eumque omni bonorum & facultatum suarum genere lo-
 cupletavit, dum in mysteriis erudiendum dedit prae-
 stantissimo epoptarum suorum pari, Calixto patri, &
 Conr. Hornejo. Atque ut haberet studiorum socium,
 cum quo audita repeteret, & legenda legeret, cujusque
 assiduo labore ac diligentia, sancta in ipso aemulatio ac-
 cenderetur, adjunxit ei cautissimus pater *Gerhardum Ti-
 tium* Quedlinburgensem, qui, ut tunc inter theologiae
 filios, ita postea inter ejusdem patres seu doctores, ut
 doctissimus, ita etiam optimus fuit, certe amor & deli-
 ciae studii sacri, ab omnibus, qui virum nōrunt, mul-
 to cum merito dicendus. Neque caruit hoc consilium,
 novumque illud institutum, suis fructibus: in tantum
 enim sub eorum ductu & doctrina profecit Fridericus no-
 ster Ulricus, ut, anno praedicti seculi octavo & quadra-
 gesimo, jam praeludia faceret muneri publico, atque non
 ineptum se ad id esse ostenderet, habitis, ex singulari
 indultu & concessione venerandi ordinis, praelectionibus
 theologicis privatis. Quem laborem, biennio post, hoc
 est, illo ipso anno, (14) quo post tricennale saevissi-
 mumque bellum, aurea Germaniae pax publicata fuit
 atque ebuccinata, ejusmodi infecutum est praemium,
 quod & genio ingenioque candidati nostri erat convenien-
 (14) An. 1650. tissimum,

tissimum, & meritissimo ejus parenti gratissimum acceptissimumque, quando, praesentibus excellentissimis almae hujus Juliae Visitatoribus, commissa ei & concedita fuit professio theologiae dogmaticae, cujus auspicia ille mox fecit ab oratione solenni, qua, more veterum, praeludi solet laboribus academicis.

Sed in officiorum ejus catalogo, quem modo orsi ^{itineris} sumus, pertextendo, non possumus pergere, cum itinerum jam sit facienda mentio, atque in iis nobis comitandus musteus noster theologiae professor. Enimvero is non satis esse putavit, ante quinquennium (15) excurrisse Thorunum Borussiae, quo celeberrimus ejus pater ad colloquium vocatus fuerat, & illius ac vicinorum locorum (16) salutasse viros eruditos, nisi majus institueret iter, & plures atque insigniores Europae provincias peragraret, ad comparandum sibi inde majoris & notitiae, & civilitatis, & moderationis, & prudentiae merces. Sic enim semper judicârunt viri sapientia aequae ac prudentia clari, oppido utile esse, ut, qui literarum, etiam sacrarum, studiis imbuti sunt, & non tantum pecunia, justoque corporis robore, verum etiam bona mente, ac virtutum amore instructi, e nido patrio in exteras & cultiores se aliquando transferant terras, & quid rerum ibi agatur, quid doceatur, quid dicatur, quid scribatur, quid reprehendatur, quid denique desideretur, videant atque audiant, & in usum, tam suum, quam patriae, tanquam in succum & sanguinem, convertant: cum e contrario interdum fiat, ut quidam eorum, qui semper post fornacem manent, nec unum

C 3

textum-

(15) An. 1645.

(16) Dantisci & Regii Montis.

tertiumvé lapidem excedunt, sint inhumani, inciviles, immoderati, austeri, pertinaces, rebus publicis & ecclesiis graves ac molesti, & pæne intractabiles. Observans igitur consilium hoc sapientum, atque exemplum laudatissimi parentis sui, qui Belgium, Britanniam, & Galliam viderat, atque in Italiam etiam (17) pedem promovisset, nisi veritus fuisset, ne adversariis, ob lucubrationes suas jam editas, ingrata foret praesentia sua, imitatus noster, per Saxoniam superiorem, Bohemiam, Hungariae partem, Moraviam & Austriam, in Italiam abiit, atque inde in Galliam & Belgium, & ubique, ob paterni nominis famam, etiam inter dissentientes, humanissime fuit receptus, multoq; honore & amore tractatus. Quid? ne Romae quidem prohibitum ei fuit, de capitibus religionis differere, & sententiam suam libere proponere. Id quod etiam licuit facere posteris temporibus, ac hodiernum, credo, licet, dum modo adhibetur modus, & modestiae ac verecundiae limites non transiliuntur, neque cum impetu & clamoribus aut furore disputatio suscipitur geriturq;.

Officia.

Absoluto itinere, ad pensum laborum suorum (18) rediit clarissimus Calixrus, idque omni tempore, non tantum legendo & disputando, sed meditando etiam, & in futuros usus optima quaeque colligendo, (miseram enim eorum conditionem esse putabat, quibus nihil superest temporis, ad fructum e bibliotheca sua, & optimorum auctorum lectione percipiendum) fideliter & alacriter fecit, atque hanc laudem sibi perpetuam reddidit. Quid suavius autem

(17) Vide ejus Memor. apud Wittium, p. 1138.

(18) In ordinem theologicum solenni ritu cooptatur
An. 1651. VII. Martii.

autem gratusque venerando patri ac seni poterat esse, quam videre & habere amabilissimum filium collegam, certumque ut facultatum, ita & dignitatum suarum heredem? ecquid optatius honorificentiusque filio, quam in eodem cum magno patre ordine versari, idemque cum eo saxum volvere, & eundem cum ipso senatum frequentare? Cum primis utrique notabilis & albo signanda lapillo erat illa dies, (19) qua filius & ab inclyto patre, cui post DEUM vitam debebat, & quae illa praestantior est, eruditionem, summos ordinis sui honores accepit, creatus theologiae doctor, & praemissa benedictione sacerdotali, cum suavissima sponsa (20) nuptias celebravit, eamque domum duxit. In quo nec inamœno, nec infœcundo conjugio, vixit (quod hodiernis temporibus rara est avis) annos unum de quinquaginta. Equidem bene meritis doctor ac professor noster, ex obitu pii senis ac patris, (21) merito graviter afflictus fuit, & in luctum ac squalorem coniectus: sed, ecce, quam & hanc iacturam admirabilis DEI providentia ac sapientia noverit convertere in bonum, & solatium ipsius afflicti! Illius enim infinitae gratiae, illius sanctissimae directioni ascribendum est, quod Principum Germanicorum Salomo

(19) D. 27. Julii, An. 1652.

(20) *Anna Margareta*, Henrici *Duvii*, Consulis Helmstadiensis, filia, & Christoph. *Roieri*, itidem consulari dignitate conspicui, adoptiva: e qua sustulit 6. filios, & 2. filias, unde adhuc superstites sunt, *Calixtus*, capitulorum S. Nicolai apud Magdeburgenses, & S. Blasii apud Brunsvicenses canonicus, & *Catharina Maria*, virgo cœnobialis & Deo dicata.

(21) An. 1656. d. 19. Martii.

lomo & Nestor, celsissimus AVGVSTVS, Dux Brunsvicensium & Lunaeburgensium, gloriosissimae memoriae, ejusque in prudentissimo regimine, & virtutum Heroibus dignarum studio felicissimi successores filii, serenissimi ac potentissimi Principes & Domini, DN. RVDOLPHVS AVGVSTVS & DN. ANTONIVS VLRICVS, Domini nostri clementissimi, Calixto nostro, aut potius suo, perspectis ejus fidelitate, diligentia & meritis, benignissime contulerunt, ille quidem *consiliarii consistorialis & ecclesiastici* (22) spartam, hi autem *abbatiam* (23) *Regiae Litterae*. In quantum autem dignitatibus hisce, ex faventissima tantorum Principum manu acceptis, ornabatur, splendidissimo patri nunc per omnia aequalis filius Calixtus, in tantum, omni fide & studio, omni que opera ac integritate, easdem ornare studuit, & reparatione tecti bonaeque fornicum partis, (24) quae in templo, augustissimi Imperatoris, & fundatoris nunquam satis depraedicandi, LOTHARII, ejusque conjugis augustae exuvias tenente, collapsa erant, ac miseram praebebant faciem, curae suae abbatialis insigne specimen dedit, posterisque reliquit.

scripta

Maximum autem studium ponere laboravit in scriptis, (25) existimans, illa & saxi & aere perenniora esse,

(22) An. 1664.

(23) An. 1684.

(24) An. 1699.

(25) Eorum indicem ipse exhibet post praefat. in parentis sui de Reformatorum Tolerantia Consultationem, lit. I. Quibus adde *Annotata* in Pacifici Verini Judicium de unione religionis protestantium cum aliis, (contra quod scriptum Pacificus Verinus Apologiam edere meditabatur, sed, post obi-

esse, multumq; augmenti ad rem literariam conferre posse professorem, si eruditionem suam non unius academiae, in qua degit, limitibus terminet, sed pomœria ejus, lucubratione scriptorum, ad exterarum regiones proferat. Per etiam ei placuerunt haec judiciosissimorum virorum monita: Non esse multa scribenda, sed cum cura ac sedula meditatione; nec provocandos aut lacessendos adversarios, sed defensione contra laedentes utendum, immo & illam interdum omittere, honorificum; nec properandum immatura aetate ad scriptionem, quum *tales* (ut loquitur (26) Contr. Rittershufius) *justa plerunque Nemesis excipiat, ut eorum immaturi factus ante parentes moriantur, atque etiam in vicum, vendentibus Godores, & piper, & quicquid chartis amicitur ineptis, vel etiam illuc, ubi de sabei messibus nihil spirat, deferantur*: nec denique minus utile esse, si vel maxime minus gloriosum, aliorum scripta inedita in publicum producere, editavé secundis curis, justisque accessionibus aut animadversionibus ornare, & vitam quasi ac spiritum iis restituere. - O utinam etiam hoc observaretur ab omnibus scriptoribus, ut modum tenerent, praecipue in refutationibus aliorum, nec temere ad illas proflirent, litesve ex litibus sererent, & rerum suarum paene obliti, falsis interpretationibus, dictorum derorsionibus, aculeatis verbis, maledictis, & convitiis, (27) ceu pueri nucibus & astragalis, luderent, atque ita alios, quos amare, eorumq; si qui sunt, errores tegere, &, quantum licet, excusare deberent, alios autem? immo etiam se ipsi, ludibrio, & contemptui exponere satagerent! O quam tutius est,

D

tum illius, ab ea abstinuit, ne mortuo insultasse videretur: quae moderatio viro theologo digna & laudanda est) & *Viam ad pacem*. An. 1700.

(26) In Oppian. l. 3. cyneg. v. 159.

(27) G. Calixt. in Desider. & Stud. concord. eccles. §. 11. 18.

est, in flumine exponendorum dogmatum, declarandarum scripturarum, tradendorum moralium, & eruendarum sive historiarum sive antiquitatum, navigare, quam in aestuoso illo ac turbido controversiarum & altercationum, saepe saepius non necessarium, sed scandalosarum, jactari oceanum! O quam melius & sanctius est, quamq; DEO & omnibus piis gratius, omnem suam curam, studium, laborem, operam denique omnem, ad id adhibere, ut lites illae & controversiae, de quaestionibus non fundamentalibus, sed juxta enatis, inter eos, qui unum Deum patrem, & quem misit Jesum Christum, agnoscunt & colunt, atque illam fidei doctrinam, qua contenta erat antiqua & purissima ecclesia, acceptant & profitentur, non tantum minuantur, sed etiam, si per hominum pertinaciam & obstinationem fieri potest, tollantur, atque aboleantur. O beatos, haec qui meditantur! o veros & genuinos DEI filios! *Beati*, inquit Servator noster, (28) *qui sunt pacifici: quoniam filii DEI vocabuntur.*

Obitus.

Et praeclarum ac salutare hoc negotium, omni tempore, cum primis etiam ante obitum, (nam ad hunc jam properat oratio nostra) curae cordiq; fuisse Calixto filio, ceu olim ipsius patri, quis nostrum ignorat? & cui non constat, ultimum venerandi senis scriptum fuisse irenicum, cui titulus, *Via ad pacem?* Quis nescit, eum verbis illis Salvatoris ac Domini nostri, paulo ante allegatis, adeo fuisse delectatum, ut symbollo loco ea adhiberet, & sui memoriam iis, tanquam gemma, obsignaret? Quod si igitur ille nullis aliis virtutibus praeditus fuisset, (praeditus autem fuit multis & magnis) haec certe, in studio pacis ecclesiae posita, multo maximam mereretur laudem, quicquid etiam dicant contentiosi, quicquid contra moliantur bellicosi, quicquid moveant & obvertant clamosi. Habeant illi sibi res suas; nos, agite, sequamur

(28) Matth. V. 9. pacifici.

pacificum Calixtum, seu potius summum Magistrum nostrum, a quo ille amorem ac desiderium pacis didicit & accepit, & pacem sectemur, pacem redintegremus, pacem colamus, quantum salva veritate fieri potest, cum omnibus, qui Dominum Jesum amant & venerantur. Bella in hoc seculo geruntur, pacis recuperandae causa. An ergo bellagerantur in Christi republica, atque in coetu eorum, qui invocant nomen Domini nostri Jesu Christi, ut sint perpetua, nec unquam ecclesiae restituantur pax, optima rerum, quas hominibus novisse datum est? an proderunt haec bella, (& *vestra* etiam, cives studiosi: sed revoco verbum hoc emissum, cum post tam triste spectaculum, quo alma Julia praeteritis diebus afflicta & consternata fuit, non amplius, spero, futura sint vestra, sed inhumana, sed diabolica, sed maledicta (29) *duella*) aliae velites, contentiones, rixae, inimicitiae, invidiae, obtreptiones, persecutiones & oppressiones aliorum, in die mortis, & secuturae ultionis seu judicii? Quid cunctamur? cur non in tempore sapere incipimus, & veram tractare philosophiam, quae in meditatione mortis (30) consistit? cur non in tempore valedicimus (31) omnibus illis vanitatibus, ineptiis & tumultibus, & simplicitate fidei christianae contenti, inq. DEI misericordia, per Christum, fiduciam ponentes, & impera-

- (29) Utpote omni jure prohibita. Vide serenissimi AVGVSTI beatiss. memor. D.Br. & Lun. Edictum contra duella, publicatum An. 1646. 29. Dec. quod extat in libro Constitut. & Mandator. Principal. p. 157. & Christoph. Schraderi Programm. select. LXV. ubi, inter alia, haec extant verba: *Nemo vel occultae impunitatis, vel MITTIO RIS paret exempla anteriora, in posterum allegabit, aut patrocinio sibi fore in animum inducet. Ingravescens enim vulnus asperiora poscet remedia.*

(30) De qua vid. Schraderi Progr. LVI.

(31) B. noster Calixtus, ante obitum, renunciavit omnibus controversiis: ut olim Durrus, prof. Altorfius.


imperfectionem nostram (32) agnoscentes, charitatis opera exercemus, quae cœlestis atque incomparabilis Doctor tan-ropere nobis commendavit, & sine quorum exercitio frustra speratur benedictio Dei, aut pax & concordia ecclesiarum? cur non in tempore ignoscimus (33) offensibus nostris, veniamque petimus ab iis, quos scientes prudentesque laesimus atque offendimus? cur non in tempore studemus tolerantiae, moderationi, & sanctorum monitioni, (34) sine qua nemo visurus est Dominum? Num forte ignoramus, quod in omnibus hisce partibus, suo exemplo nobis praeiverit non tantum ordinis sui, sed totius academiae Juliae, neque hujus duntaxat, sed omnium nostrorum theologorum, qui in academiis docent, senior meritissimus, Calixtus, & sic feliciter cursum suum consummaverit, atque in Domino (35) placide obdormiverit? Turpe profecto esset, immo turpissimum, si, cujus dotes & splendores vidimus, cujusque memoria non delebitur unquam e cordibus nostris, illius exemplum nobis non proponeremus, nec, pro facultatibus a Deo concessis, omni studio ac diligentia imitaremur. DIXI.

(32) Sicut enim ne sol quidem omni tempore sine nubecula est, ita nulla excellens anima sine defectu & imbecillitate. Henn. Witte Tom. II. Memor. Theol. p. 962. & Gerhard. Confess. cathol. p. 1530.

(33) Sic etiam laudatus fecit Calixtus.

(34) Idem, studium bonorum operum non modo commendavit, sed & exercere, vires nervosque intendit.

(35) An. 1701. 13. Jan. aetatis fere 79. Ossa beate defuncti delata sunt Regiam Lutteram, atque in templo illius monasterii recondita. Ubi suaviter quiescant, usque ad diem resurrectionis!



F I N I S.